



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726 400  
fax. +387 33 726 423  
e – mail: [info@voda.ba](mailto:info@voda.ba)

Broj: **UP-1/21-1-40-078-2/26**

Datum: **03.03.2026. godine**

«Agencija za vodno područje rijeke Save» Sarajevo rješavajući po zahtjevu Investitora, Auto-Moto Klub Bosansko-podrinjskog kantona Goražde, za izdavanje prethodne vodne saglasnosti za ispuštanje tehnoloških otpadnih voda sa lokacije poslovnog objekta sa automehaničarskom radionicom, na osnovu člana 139. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), **donosi**

## R J E Š E N J E

1. Odbija se zahtjev Investitora Auto-Moto Kluba Bosansko–podrinjskog kantona Goražde iz Goražda za izdavanje prethodne vodne saglasnosti za ispuštanje tehnoloških otpadnih voda sa lokacije poslovnog objekta sa automehaničarskom radionicom, planiranog na zemljištu označenom kao k.č. broj: 1031/2 K.O. Goražde II, Grad Goražde, s obzirom da za predmetnu aktivnost nije propisana obaveza pribavljanja vodnih akata od strane ove Agencije.
2. Ukoliko tokom korištenja objekta dođe do promjene namjene istog, a pri čemu će dolaziti do produkcije i ispuštanja tehnoloških otpadnih voda u površinske vode ili okoliš, te ukoliko Investitor ugradi podne slivnike u prostoru automehaničarske radionice, dužan je pribaviti vodne akte od nadležnog organa.

## O b r a z l o ž e n j e

Investitor Auto-Moto Klub Bosansko – podrinjskog kantona Goražde iz Goražda se obratio ovoj Agenciji sa zahtjevom broj: 10/02/26 dana 19.02.2026. godine za izdavanje prethodne vodne saglasnosti za ispuštanje tehnoloških otpadnih voda sa lokacije poslovnog objekta sa automehaničarskom radionicom, na zemljištu označenom kao k.č. broj: 1031/2 K.O. Goražde II, Grad Goražde.

U provedenom postupku dostavljena je i pregledana sljedeća dokumentacija:

- Rješenje o upisu Auto-Moto Kluba Bosansko – Podrinjskog Kantona Goražde u registar udruženja Ministarstva za pravosuđe, upravu i radne odnose Bosansko-podrinjskog kantona Goražde, broj: UP-1:05-04-65/24 od 28.03.2024. godine (ovjerena kopija);
- Uvjerenje o poreznoj registraciji, izdatog dana 04.07.2003. godine od strane Porezne uprave – Kantonalni ured Goražde, Federalno ministarstvo finansija (ovjerena kopija);
- Zemljišnoknjižni izvadak broj: 045-0-NAR-26-000563 ZK uložak broj: 4288 izdatog dana 17.02.2026. godine od strane Zemljišnoknjižnog ureda, Općinski sud u Goraždu (ovjerena kopija);
- Kopija katastarskog plana, razmjera 1:1000, UR broj: 07-26-3-4/2026-1 od 07.01.2026. godine izdato od Službe za geodetske, imovinsko-pravne poslove i katastar nekretnina, Grad Goražde (ovjerena kopija);
- Mišljenje o usklađenosti planirane aktivnosti sa dokumentima prostornog uređenja broj: 04-4-19-2-687/26 od 18.02.2026. godine izdato od Službe za urbanizam, prostorno uređenje i komunalne poslove, Grad Goražde (original);
- Studija za izdavanje prethodne vodne saglasnosti za poslovni objekat lociran na zemljištu označenom kao k.č. broj: 1031/2 K.O. Goražde II, Grad Goražde, decembar 2025. godine, urađena od „SENDO“ d.o.o. Sarajevo;
- Dokaz o uplaćenju administrativnoj upravnoj pristojbi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Na osnovu uvida u dostavljenu dokumentaciju utvrđeno je sljedeće:

- Poslovni objekat se nalazi na zemljištu označenom kao k.č. broj: 1031/2 K.O. Goražde II, Grad Goražde.
- Osnovna namjena poslovnog objekta je obavljanje poslovne djelatnosti.
- Prizemlje objekta se sastoji od automehaničarske radionice te kancelarija i pomoćnih prostorija, odnosno ostava i sanitarnog čvora. Prvi sprat se sastoji od kancelarija, višenamjenskog prostora i sanitarnog čvora.
- Prema dostavljenoj Studiji, u predmetnom objektu ne nastaju tehnološke otpadne vode kao posljedica tehnološkog procesa, te će se sav otpad zbrinjavati suhim postupkom, skladištiti i odlagati u kontejnere koje će zbrinjavati ovlaštena firma u skladu sa Zakonom o upravljanju otpadom. Ukoliko se pojave određene manje količine ulja koja mogu curiti iz pojedinih mašinskih dijelova vozila, ovo ulje će se prikupiti suhim postupkom, odnosno krpama i suhim upijačima i odložiti u nepropusne posude nakon čega će se iste deponovati kao čvrsti otpad na za to predviđeno mjesto.
- U tehnološkom procesu se neće koristiti voda te neće nastajati tehnološke otpadne vode iz procesa rada, kako je to utvrđeno odredbama člana 3. stav (1) tačka cc) Uredbe o uvjetima ispuštanja otpadnih voda u okoliš i sisteme javne kanalizacije („Službene novine FBiH”, br. 26/20, 96/20 i 1/24).
- Također je utvrđeno da na pripadajućim prometnim površinama ne nastaju oborinske onečišćene vode kako je to utvrđeno odredbama člana 3. stav (1) tačka s) a u vezi sa tačkom cc) Uredbe o uvjetima ispuštanja otpadnih voda u okoliš i sisteme javne kanalizacije („Službene novine FBiH”, br. 26/20, 96/20 i 1/24).
- U skladu sa dostavljenom Studijom, predviđeno je čišćenje podova suhim postupkom te nije dozvoljeno postavljanje slivnika ili rešetki u podu automehaničarske radionice.

Kako u predmetnom objektu ne nastaju tehnološke otpadne vode kao rezultat tehnološkog postupka, kao ni oborinske onečišćene vode kako je to utvrđeno odredbama člana 3. stav (1) tačka s) a u vezi sa tačkom cc) Uredbe o uslovima ispuštanja otpadnih voda u okoliš i sisteme javne kanalizacije („Službene novine FBiH”, br. 26/20, 96/20 i 1/24), odnosno nema ispuštanja tehnoloških otpadnih voda u smislu odredbi člana 139. stav (1) Zakona o vodama («Službene novine Federacije BiH», broj 70/06), u skladu sa članom 200. Zakona o upravnom postupku («Službene novine Federacije BiH», broj 2/98, 48/99 i 61/22) riješeno je kao u dispozitivu ovog rješenja.

#### **Uputa o pravnom lijeku:**

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Senida Džajić - Rghei, dipl.inž.građ.

Po ovlaštenju  
Rukovodilac sektora za izdavanje vodnih akata

  
Nihad Pezo, dipl.inž.građ.

Dostaviti:

- Auto-Moto Klub Bosansko – podrinjskog kantona Goražde  
Rabite bb, 73 000 Goražde
- AVP Sava, ISV-vodna knjiga
- Sektor 40 – arhiva
- Oglasna ploča – AVP Sava